



職方典第一千二百二十二卷

岳州府部彙考四

岳州府公署考

府縣衛志合載

本府

巴陵縣附郭

岳州府治在巴山西洪武初創正統間知府易善新之景泰中何友成化間吳節戴濬修之乙巳李鏡改徙增建焉嘉靖間韓士英譴晚沈奎陸垵金蕃相繼修建中爲正堂後爲後樂堂前爲儀門又前爲郡正門以及吏廨榜房譙樓郡獄明末悉毀至

皇清康熙五年知府王勤民仍卽舊基修建後衙六年知府蘇之升復建堂署廊廡規制始備

清軍廳治在堂左嘉靖間知府韓士英改創經歷司左

理刑廳治原在堂右嘉靖間知府

韓士英改創經歷司左

巡捕廳治在堂右

經歷司治在正堂左

照磨司治在正

堂右察院在舊府東前有萬竹亭蒼翠可觀

布政司在府東南新司察院右

分司在

察院左

荆南道舊清軍廳嘉靖初改北分司

廣豐倉內戶部分司在城東七里山卽

兌糧所

上江防兵備道在府署東南嘉靖七年兵備僉事陸鉞知府蕭晚巴陵知縣朱屏

創今裁

巡視洞庭湖署在治西呂仙亭之右

司獄司

稅課司俱在城陵磯

廣豐倉在府署後

遞運所在城陵磯

陰陽學

醫學俱在土門內

僧綱司在

乾明寺

道紀司在玉清觀

岳州衛署在府東南洪武四年設指揮音亮創

皇華

亭倉在北門外明萬曆中給事姜性疏請青泥灣水次始建倉貯漕明末燬今重建

廣豐

倉在府署後

新倉在白馬橋街

郡館二一察院前一城陵磯

巴陵縣治在府城南門外洪武中知縣郎子文創成化三年袁綱重創爲正堂儀門戒石亭承

發房縣庫架閣庫左右吏房又左爲知縣廨右爲諸吏廨獄在儀門之右前爲譙樓門外左右

爲申明旌善二亭後燬於兵

皇清康熙初府署遷歸舊址卽府舊署改爲縣治焉

縣丞治在縣左

主簿治在縣右

典史治在縣右

河泊所六曰魚苗洋縣北五十里曰鹿角古塚湖縣南六十里楊林竹根

潭縣南扁山縣南一十里蝦鬚池縣西二十里大城池縣西北五十里今俱燬

便民倉舊

在土橋冲明末廢

皇清康熙十三年知縣趙士珩捐俸易柴家嶺民址建倉今南糧倉

預備倉在縣南儒學前今

廢 養濟院舊在塔前市成化中改遷東門

外州縣

臨湘縣治在城東北隅後負天螺山北迤大江東西接湖前臨官街拱以坊表榜曰承流宣化
宋淳化五年建元因之明洪武三年知縣李汝霖創後圯正統天順嘉靖間知縣陳介李章尹
仲儀相繼增修知縣張明孺通加繕葺榜左坊曰惠養右坊曰義使隆慶壬申賊燬大堂知縣
劉漢東重建中爲甬路立戒石亭兩傍夾以廊東爲吏戶禮房西爲兵刑工房架閣庫承發房
前爲儀門儀門之東爲土地祠西盡爲獄其外爲譙樓其下纍石爲址中闢正門門外左右爲
申明旌善二亭堂之右爲庫堂之後爲川堂川堂之後爲住宅便堂右爲書房左爲寢室便堂
之後有樓樓之外爲隙地由大堂之左出耳房而東爲幕廳周廻環以磚城

皇清順治七年知縣朱挾鏃重建川堂便堂各三間

康熙七年知縣潘大臺移建譙樓於縣治中修大堂三間兩廊吏舍十二間 典史治在縣

治東偏康熙二十四年典史汪祺捐建 布政分司在縣西南五十步明正統十年知縣陳

介建成化萬曆中相繼重修 按察分司在縣東南二十步明洪武初主簿程學圃建今廢

鴨欄巡檢司在縣東北十五里 城陵磯巡檢司在縣西南四十五里 土門巡檢司在

縣南一百里嘉靖十九年設 連家湖河泊所在縣南二里永興橋之東明初建嘉靖三十

八年郭黨重修 松楊湖河泊所天順元年裁歸併連家所帶管 鴨欄批驗茶引所在

縣東北十五里明初建景泰二年革 陰陽學在縣東宣聖港 醫學在縣東申明亭側

僧會司在縣南一里嘉祐寺 道會司在縣東一里崇真觀 府館在縣東十五步明景

泰四年知縣姜勉建嘉靖四十三年知縣閻應綸重修 演武場在縣西北 便民倉在

縣西南四十五步知縣徐義建 鄉約所三一在嘉祐寺一在崇真觀一在五顯祠 養

濟院未載 漏澤園在城外山川壇後

華容縣治在城內西隅宋至和元年知縣黃照遷創建明初及正統天順成化中張宗哲楊鏐

許傑梁澤相繼修建嘉靖初張真始大新之中爲正堂堂左爲幕堂右爲庫前爲甬路甬路中爲戒石亭亭之前爲儀門左右爲旌善申明二亭儀門前爲譙樓譙樓內之右爲獄前爲坊正堂左右翼爲架閣庫六房後爲吏廨正堂之後爲川堂川堂之後爲後堂後堂左右爲廂又後爲知縣廨廨後有園有田 主簿治在架閣庫少上 典史治在幕堂左下三百步

都察院舊爲按察司明洪武中創後增左右廂房萬曆中重建 布政司在察院東明成化

間創嘉靖隆慶中繼修 明山鼓樓巡檢司在鼓樓山濱 黃山穴巡檢司在縣東北百

十二里明初創 北河渡巡檢司明成化中增嘉靖中革 褚塘湖河泊所在縣七都

延湖河泊所在縣六都萬曆中歸併杜家潭 蘇池河泊所在縣九都萬曆中歸併褚塘湖

金山臺河泊所在縣二三都 杜家潭河泊所在縣六都 陰陽學在縣東南明洪武中

建今廢 醫學在縣東南明洪武中建今廢 僧會司在縣東西禪寺明洪武中遷圓通

寺後復還西禪寺 道會司在縣南文昌宮明洪武中創 預備倉有三二在縣東一在

縣南 充積倉在譙樓內之左 稻穀倉在墨山 積儲倉在充積倉之左 新堰

行館在十二都

演武教場在縣北郭外放生池內

惠民藥局在縣南明洪武中建今

廢養濟院在縣西五十步明洪武中縣丞劉叡創男女二所後廢

平江縣治在北步嶺西南由羅縣故基遷中縣由中縣遷今治嘉靖二十一年知縣周隆盛重

建廳廡儀門譙樓縣庫架閣庫獄房申明旌善二亭規制咸備近數十年兵火盡廢康熙十年

知縣葉必春重建正廳後廳餘存舊址

縣丞治在縣東南

主簿治在縣西

典史

治在縣東南

布政分司在縣署東今廢

按察分司在縣署東今廢

陰陽學

醫學俱在譙樓右

僧會司在寶積寺

道會司在崇真觀

便民倉有二俱在治北

預備倉在治西

演武亭在東門外今廢

養濟院在治東今廢

澧州治元爲澧陽縣址至正閒燬於兵明洪武初遷西門內洪熙中以宅華陽王署遷籽粒倉

正統五年知州蔣肇創正堂五舍西隅爲郡庫東偏爲儀仗庫西爲幕堂又爲後堂儀門又南

爲郡正堂東西爲吏房二十四舍東北爲知州廡儀門內西爲獄中爲戒石亭外東爲土地祠

稍北爲吏廡又爲輕罪獄四舍署西爲申明旌善二亭後燬於兵

皇清順治六年州守湯調鼎八年王之翰十六年樂元魁相繼重建

州同知治在堂東南

州判治在堂東順治十六年重建

吏目治在堂西順治十六年重建

按察分司今廢

澧州分守道治嘉靖初自岳移澧建於舊萬盈倉地兵火後毀

皇清順治七年守道王遂遷建周通判園址十一年仍建原處康熙九年分南北省併岳常道駐澧

州二十二年甘文瑛捐俸修建於署後立樓房五間署前屏牆廊出數丈立東西轅門堂廡儀

門漸次修葺

巡檢司一驛三

安鄉河泊所在州東原隸安鄉後改屬州

稅課局

在州東一里

僧正司在報恩寺

道正司在元妙觀

萬盈倉

便民倉

預

備倉

義倉

社倉四

阜成倉

豐國倉

演武場

養濟院

漏澤園

石門縣治在旌孝坊明初知縣王欽始建沈王田繼修正德間縣令周邦建中爲止堂後爲川

堂左爲幕廳右爲縣庫承發房東西爲六房前戒石亭又前爲儀門譙樓架閣庫縣獄在儀門

西土地祠在儀門東外爲申明旌善二亭

主簿治在堂前東

典史治在堂前西

布政分司在清泉寺右中爲堂左右爲翼室前爲大門後爲寢室按舊志原在東門外制與按

察司同 按察分司在縣東中爲堂後爲川堂爲臥室左右爲廚房浴房前爲東西序爲大

門 寅賓館明萬曆間建 陰陽學在縣東 醫學在縣西 僧會司在清泉寺

道會司在朝真觀 預備倉在按察司後明嘉靖中改遷縣署內

皇清康熙二十一年重建 府館在西門外制同二司而差小東西序無 演武場在天門橋

東 養濟院 漏澤園

慈利縣治在永泰街古崇州址也明洪武中知縣葉守禮奏建壬申知縣吳伯達宣德中知縣黃夢舟弘治中知縣李軌嘉靖中知縣吳世堅相繼修建中爲正堂前爲露台甬道又前爲戒石亭左右爲六房臨街爲鼓樓正堂後爲後堂川堂幕堂隆慶三年知縣梁可大遷於二十四都卽慈姑舊址至萬曆中知縣游春霖以河北水圯仍請復永泰街舊址堂廡庫獄以及吏舍申明旌善二亭仍同舊制明末寇燬

皇清初丹棲官家渚至康熙十二年知縣萬叔堅詳復永泰街舊址建立大堂儀門後堂以爲聽事

之所 縣丞治在正堂左 主簿治在正堂右 典史治在正堂右俱廢 布政分

司在南街

按察分司在南街俱廢

府館在東關外今廢

陰陽學在縣北

醫

學在縣西

僧會司在鐵佛寺

道會司在紫霞觀

存留倉

預備倉

養濟

院在署西

安鄉縣治在澧江東五十步宋紹興中知縣毛晃建元至正癸丑燬於賊丙申縣丞陳谷瑛更創明洪武初及萬曆中相繼修建

皇清順治九年寇火縣治康熙丙午知縣王之佐捐俸新創中爲正堂後爲川堂又後爲後堂及住宅正堂之左爲儀仗庫架閣庫右爲貯庫堂之東爲幕廳堂左右爲承發房及六房堂之前爲戒石亭儀門儀門外左爲土地祠前爲譙樓門之外左右爲申明旌善二亭縣治外五十步爲獄房 縣丞治在堂西官裁署廢 主簿治在堂西官裁署廢 典史治舊在幕廳右明季兵火署已久廢

皇清順治十五年縣令辛良器遷其址爲馬房康熙六年典史郭鳴鸞詳改按察司廢基爲署

布政分司在縣治東北中爲正堂前爲儀門又前爲大門堂左右爲耳房堂後爲川堂又後爲

後宅及庖湍室兩翼爲皂吏房今廢

按察分司在縣治東五十步中爲正堂前爲儀門又

前爲大門堂左右爲耳房堂後爲川堂又後爲後宅及庖湍室兩翼爲皂吏房今廢

府館

在縣治西門外卽稅課局舊址內有正堂川堂後堂庖湍及左右司房儀門大門俱久廢

河泊所在縣治西二百餘步明洪武中設

陰陽學在縣南一里後遷於縣治東隅嘉靖中

知縣李文以其基開廣獄房改移西門隙地

醫學在縣南十字街明洪武中創

僧會

司在縣治東普光寺

道會司在太平觀

便民倉在縣治東

際留倉在儀門內左

學倉在學門東隅

南倉在坊郭村

北倉在焦泗圻

預備倉在東門外

東倉

在長壽村

西倉在高田村

演武亭在縣治北今廢

惠民藥局燬

養濟院今

廢 漏澤園今廢

永定衛治在城南隅明洪武初指揮黃常創後指揮周輔吉世英丁貴相繼修建正廳後廳前

軒儀門大門庫房東西吏房榜房以及鐘樓譙樓監房後皆廢壞隆慶中卽荆南道行署改建

後亦廢惟徵屯行署在澧江之南

皇清順治九年守備李時培捐俸修建屯署續遭兵火衙舍盡燬守備陳應魁暫移駐澧南七十里

裴家河康熙二十二年守備陳伯壽詳請仍於襄陽街捐俸建造衙舍內有正堂儀門大門左

右書房班房及內堂內書房圍以土牆覆瓦塗粉規模巍麗 經歷司治在儀門前左

鎮撫司治在儀門前右 左前所千戶所治大門前之東 右中後千戶所治大門前之

西 上荆南分司治在衛署之東 軍器局 軍儲倉

九谿衛治在城內北明洪武間創衛堂一所每遇公務集斯堂同理 經歷司在堂左

後分司邊糧通判治在城內西北隅 前分司九永守備治在城內西南 布政分司在

治西 按察分司在治西 所廳在衛屬屯堡新安市距衛城三百餘里明天啟中遷署

於此便民輸納 軍器局 軍儲倉俱廢

大庸所治明洪武戊寅千戶武才創

安福所治毀於夏得中叛時後以瓦窑岡創建

澧州所治在澧州西南當澧城之中

岳州府學校考

府縣志合載

本府

巴陵縣附郭

岳州府儒學在府東南宋治平中知岳州軍事趙尙之創立明洪武末始新明倫堂正統中知府易善更創四齋及號舍成化中知府吳節重新之西齋後爲博士廡東西廚南爲射圃觀德亭神廚嘉靖中知府李鏡捐學後洗牲池易衛使楊璽地益之爲臺墀路級門亭並造樂器庫創建學倉規制始備明末寇燬僅存正殿戟門明倫堂

皇清康熙十九年督學蔣永修姚淳燾糧道趙廷標知府李遇時相繼修葺

天岳書院在郡城

巴陵縣儒學在縣署西南明洪武初知縣郎子文創九年降府爲州縣與學並省又五年復改府仍建學故址宣德間知縣狄成創成化中知府吳節戴溶嘉靖中知縣江滿相繼創建廟殿射圃明倫堂明末寇燬

皇清康熙十九年御史韓世琦學政蔣永修捐俸修葺

精忠書院未載處所

外州縣

臨湘縣儒學在縣西南明洪武十九年知縣馬傑始因故址創立廟學天順二年知縣齊和成化十一年知府吳節知縣鄧榮二十一年知府李鏡知縣李殷相繼更新殿廡拓修泮池嘉靖中知縣鄒岡張璠尹仲義重建敬一亭移建殿於講堂之址而以廟址爲兩廡遷明倫堂於廟之左爲外泮池爲戟門爲櫺星門左右爲兩廡爲刑牲所萬曆中知縣張明儒鑿內泮池池上爲亭爲臺榭重建明倫堂修興起斯文坊明末兵火殿廡傾頽

皇清康熙二十二年知縣陳澄度倡衆捐修二十四年知縣楊敬儒詳請督學姚淳燾捐俸倡修規制始備 人文書院在南關外 社學在縣西 學田明萬曆三十二年奉分巡道周給發贖銀到縣置買王禾里民崔式田種五十三畝又昔年教官自置雲溪田三十七畝丁家坊田六畝八分黃泥灣田三畝四分共田一頃二分兵火之後佃逃田荒

皇清康熙二十一年開墾田九十六畝八分照六年起科部例於二十七年應納租餉所收租穀俱係支給貧生其錢糧在民賦內一體當差實荒田三畝四分

華容縣儒學在縣治南宋嘉定間創明洪武初教諭楊貫道遷於舊靈順廟地正統中知縣楊

縫重創成化間知縣許傑弘治中知府張舉知縣王乾嘉靖中知縣張真教諭王伯麒副使孫宏軾知縣曾禮教諭楊岳竝署巴陵縣丞周霄相繼增飾門舍重創廟庭及建造明倫堂祭器庫敬一亭戟門左有義路門右有神廚宰牲房及洗牲池櫺星門射圃尊經閣號舍更創二齋竝修廟廡規制宏備嗣後日久毀壞隆慶二年教諭劉元相移儒學門於後十五武甕磚夾廟學爲二坊五年知府孫夢豸知縣李奇重議修葺萬曆四年知縣田大年大加修助三十一年知縣王緒三十八年知縣李雲階相繼新之

東山草堂未詳處所

伯始書堂相傳漢

胡廣讀書處

社學三一在縣西南一在寧福鄉一在太平鄉今廢

學田竝地一百二

十一畝歲收租一百石有奇地租二兩有奇

平江縣儒學在治東百步宋縣令晁達吉建元末毀於兵明洪武初知縣劉順重建弘治中教諭姜元澤嘉靖中御史顧璘斂事鮑象賢相繼重建明倫堂兩廊敬一亭戟門櫺星門後悉燬於兵知縣許國璠倡衆捐貲正議修建

陽坪書院在縣鳳棲鄉宋儒吳雄從朱遊建書院

四十九間講學今址猶存

社學四一在東奉真觀西稅課局址一北步嶺一故縣鄉一鳳

樓鄉 大誥學三一在縣北諸生梅玉章創一在鳳樓鄉諸生胡尙禮創一在故縣鄉諸生

田阜升創

澧州儒學在州城南一里創於宋元至元間火燬明洪武初知府史希賢復建廟後明倫堂左右兩廡并翼以三齋舊名存誠育才進德及櫺星門戟門漸次修葺嘉靖中劉廷誥改爲興詩立禮成樂并建尊經閣於明倫堂後明末寇燬

皇清康熙二十二年學正孟安齊訓導胡時敏捐資倡眾鼎新殿廡門牆規制始備 車渚書院

在州東三十里晉車應囊螢讀書處 文山書院在州治唐李羣玉讀書處 懷德書院

在州署東 溪東書院在州東一里宋范仲淹遊此元立書院以祀明正德中修 讀書

堂范仲淹讀書處 延光書院在津市後湯調鼎建 道溪書院在州西南七十里元劉

士美創 社學有三一在州城內一在嘉山村一在同山村今俱廢

石門縣儒學在縣署東明洪武四年縣丞劉澄修弘治間知縣周邦改創長溪之北卽社稷壇址嘉靖間遷縣西南故朝真觀學門臨大江江埂創樓曰文明廟後爲明倫堂左右兩齋東南

二門敬一亭在明倫堂後明末寇燬

皇清順治八年知縣魏紹方擇地創建正殿戟門兩廡以及明倫堂櫺星門

社學原在縣西卽

稅課司舊址

慈利縣儒學在縣右四十步元至正兵燹明洪武初從永泰街徙十三都丙辰知縣奏還縣治並移學署壬申知縣吳伯達宣德間知縣孟舟林鐘正統間知縣張韶成化間知縣楊威縣丞張本厚相繼重修嘉靖中分巡副使周繹給事中錢薇知縣賀梧改建江北澧陽山之麓壬寅知縣譙崇伯復建舊址癸丑知縣吳世堅改建縣東寺坪隆慶中知縣梁可大改縣署官塔坪學亦從徙焉萬曆中知縣李先登改遷城外龍頭坪崇禎中署縣學訓葉占榮仍移舊址建明倫堂戟門外爲陶屏及敬一亭後燬於兵

皇清順治中知縣張超載倡率士民捐資修建

清溪書院進士劉甸建

環溪書院翰林張

充建

聚奎書院楊舟建

月川書院知縣劉長春建

羊山書院朱成文建

天

門書院田希哲建

社學有三一在一坊一在二坊一在三坊今俱廢

學田一奚元綬